



16.10.2024

UKA 2024/114  
Pele Broberg, Naleraq

**Sulinermik inuussutissarsiuteqartut sulinerup nalaani ullormut minuttini 30-ni timigissarsinnaatitaalissappata tamatuma namminersorlutik inuussutissarsiuteqartunut pisortanullu aningaasatigit allaffissornikkullu kingunerisassaanik misissuinermik aallartitsinissamut Naalackersuisut peqquneqarnissaannik Inatsisartut aalajangiiffigisassaattut siunnersuut. Misissuinermi taamatuttaaq tamatuma innuttaasut peqqissusiannut kingunerisassai taamatullu aamma inooriaatsimik pissuteqartumik nappaatit appariarnissaasa naatsorsuutigineqartup malitsigisaanik napparsimalluni sulinnitsoortarnerit Peqqinnissaqarfimmullu aningaasartuutit ikinnerulernerisa inuiaqatigiit aningaasaqarniarnerannut sunniutissai qulaajarneqassapput. Misissuineq UKA 2025 nallertinnagu Inatsisartunut agguanneqassaaq.**

(Inatsisartunut ilaasortaq Anna Wangenheim, Demokraatit)

UKA 2024/115  
Pele Broberg, Naleraq

**Piffissaq sapaatip akunneranut nalinginnaasumik suliffiusartoq ullumikkut nalunaaquttap akunneri 40-sunit 35-inut appartinneqarpata, tamatuma aningaasatigit, inuiaqatigiinnut peqqissutsikkullu kingunerisassaanik misissueqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Misissuineq UPA 2025 nallertinnagu Inatsisartunut agguanneqassaaq.**

(Inatsisartunut ilaasortaq Anna Wangenheim, Demokraatit)

## **Siullermeerneqarnera**

Naleqqamiit Inatsisartunut ilaasortaq Anna Wangenheim, Demokraatit qutsaviginiarparput siunnersuutaanut.

Naleqqamiit siunnersuutit marluk ataqatigiinnginnerat siullertut taarusupparput. Ullormut 30 min timersorsinnaatitaaneq aammalu sapaatip akunneranut 35 time suliffiusarnissaa assigiinngitsuupput marluk, immikkut eqqartorneqarsinnaagaluartut.

Naleqqamiillu naliliinerput malillugu, siunnersuutit taakku marluk imminnut assortorput. Sapaatip akunneranut sulisarneq 35 timimut apparteriarlugu, taakkunani 2,5 time timersortarlutik?



# Naleraq

Immaqaluunniit 2,5 time timersorneq anguniarlugu, sapaatip akunneranut sulineq tamakkiisumik 5 timinik apparlugu?

Naleqqamiit taperserluinnarparput peqqinnerunissamut aqutissiusinnaaneq, erseqqissaassutigissavarpulli nunatsinni inuuniapiloortunik ilaqaratta. Eqqarsaat ajunngilluinnarpoq akissaqarluartuni inuiaqatigiinni.

Aallaavilli paasinarsinnaavoq. Misissuinerit qiviaraanni nunani avannarlerniittunut nunarput sanilliusagaanni, nunatsinni agguaqatigiisillugu sulineruvugut.

Kalaallit Nunaalli ukiorpassuarni sungujunneqalersimavoq nunap inui excel-imi kisitsisaannartut.

Ullumikkut sapaatip akunneranut 40 time sulisinnaallutik, arlallit qaangiuttoornertik afspadseringerlugu peqquneqartartut eqqarsaatigigaanni, ujartugaq sulinnginnerunissaq orniginarpaluppallaangilaq.

Naleqqamiilli akileraartarnermut aqqjissuussinnermut pilersaarutigisatta iluaqutaa uani siunnersuummi takusinnaavarput.

Akileraartarnermi ilanngaait allaffissornaqisut peerlugit, sulisartut 25% akileraartittaleraluaraanni tigusartagaat annertunerulissaaq, qaammammut 9.500kr sinnerlugit isertitaqaraanni.

Aalisartuugaanni 15% akileraarnissaq ilanngaatinik atuinani, eqqumiitsuliortut nipilersortartut assigisaallu 2mio tungaanut akileraaruteqanngitsumik isertitaqarsinnaaneq.

Minnerunngitsumillu utoqqalinersiuteqaraanni akileraartannginnissaq, soorlu aamma pisortanit ikiorsiissutit akileraarutaasarunnaarnissaat allaffissornikillisaataalluni iluaqutaanissaa takorlooripput.

Malunnarnerpaassussaralarli ineqarnermut siunnersuutitsinni, ullumikkut pisortat inaataani najungaqarluni qaammammut 8.500kr-imik akiluteqartarluni, nalilittut pigilerlugu inigisaq qitiusumullu akilersuijunnaarnissaq pissagaluarpoq.

Ilaa immaqa taava akissaqalissagaluarput sulinnginnerunissamut timersornissamullu. Piumagunik...

Naleqqamiit ataasiaannarata nalunaarusiornerit maanna 70 sinnerlugit killiffiginerani, maluginiarparput allaat Naalakkersuisut nammineq allannguutissatut nalunaarusiarusutatik naammassinngitsooqattaaraat.

Allaalluunniimmi Naalakkersuisut Siulitaassuata naluaa Inatsisartuni aaliangikkat, timitalersunngitsuukkatik qassiunersut.

Naleqqamiit Inuit sulerusuttut, aningaasarsiorusuttut periarfissinnissaat pingaarnersiornissaat oqariatuutigissavarpud. Tassami Naalangaaffinngornissaq pimoorullugu siunnerfeqarluta nunuap inui salloqittarsinnaanngilagut, akisussaaffeqannginneraarlugu nunatta pigileqqinnissaa.



# Naleraq

Imaanngilaq siunissami, nalillit Danmarkimut annissorneqarunnaarpata, nunatsinnilu innuttaasunut tuttalerpata kaaviiartitagullu amerlanerulersikkutsigit pisinnaangitsoq.

Allannguerusukkuttali sulinikinnerunissarput ugartorsinnaangilarput. Suliassaraarput allaffissornikkut politikikkullu nunap inui aporfilersorunnaarlugit, kaasarfii imaarniarunnaarnissaat.

Ukiut qassit eqqartorparput nunatsinnut system tulluanngitsoq atoripput?

Ukiut qassit nunatsinni inuuniarnerup akitsoriartuinnarnera eqqartorparput?

Naleqqami takutereerparput kisitsisitigit nunatsinni inuuniarnerup akikinnerulersinnissaanik aqutissiuissinnaanissaq.

Naleqqami takutereerparput Naalangaaffinngornissaq maanna pisinnaasoq, Inuit ulluinnarsiutaat akitsornagit. Ajornerulersinnagit.

Naleqqamiilli isertuutinngilarput sulisinnaasut tamarmik pisariaqartillugit. Inummullu ilannga atoreerpat sulisartut sulinerunerat tamakkiisumik akileraarutaalluni pillaassutaasarnera isumaatiginngilarput.

Naleqqamiit aningaasartuutaasussat siunnersuutiniittut eqqummaarilluinnarfigalugit taamatut eqqarsaatigineqarsimarpasinngitsut oqaasertalerlugit, siunnersuutaasut itigartippagut.